



53171

I Mag. St. Dr.

P

Fratum minor. Reformatos. Com. Cracovi.
Conclusiones Physicæ.

22

Ac



bie
ea e
em
Mat
ia p
orn
uo
atu

MA
P
on
ote
ant
a,
amp
ant
cul

CONCLVSIONES P H Y S I C Æ.

Ad Mentem Doct̄oris subtilis IOAN-
NIS DVNS SCOTI.



53171
T

I.

Physicâ seclusa Medicinâ, Alchimiâ, & similibus facultatibus, est Scientiâ Speculatiua, habitualiter, & actualiter sumpta, non est vna simplex qualitas, cuius subiectum est substantia corporea completa, quatenus corporea est. Prima principia rerum intrinseca, quæ neq; ex se inuicem neq; ex alijs, sed omnia ex ipsis fiunt, sunt in facto esse. Materia & Forma, in fieri verò etiam Priuatio. Ex his materia prima realiter distincta ab Elementis, non generabilis nec corruptibilis terminatiuè, datur, est q; primum subiectum, ex quo aliquid fit cum insit, non secundum accidens, & si corrumpatur aliquid in ipsum abit vltimum.

II.

Materia prima est pura potentia Physica, non tamen Metaphysica, est q; actus entitatus in quem, & eius existentiam non influit positiuè Forma. Substantialis, & sine omni forma potest existere supernaturaliter, recipit autem Formam Substantialem secundum se immediatè, potentiâ formali receptiua, quæ est proprietas eius quarto modo, radicaliter tamen impura est de Essentia ipsius. Appetit omnem Formam substantialem, habitam vel habendam, etiam quoad rationes particulares ipsarum, magis tamen perfectiores imperfectioribus,

A

habita

habitâ autem quavis perfectissimâ adhuc appeteret imperfe-
ctiores, idq; eodem appetitu radicali, etiam diuersas specie, &
ipsa est eiusdem speciei in omnibus vbicunq; datur.

III.

Datur Forma substantialis, Estq; substantia incompleta nata
actuare materiam, faciendo cum ipsa vnum per se, virtuali-
ter solùm præexistit in materia actioni eductiua sui, quâ omnis
forma educitur de potentia materiæ, præter Animam Ratio-
nalem. Duæ vero Formæ substantiales supernaturaliter tan-
tùm possunt esse in eodem subiecto, sibi non subordinatæ, qua-
liter etiam vna Forma potest informare, duas Materias adæ-
quatas. Extra subiectum verò, licet non eodem concursu quo
in subiecto, potest tamen conseruari sine addito modo Perfei-
tatis.

IV.

Priuatio non debet præcedere formam in Materia tempore,
sed sufficit naturâ, negatiuè saltem, vti principiat per suum
non esse. Vnio etiam inter Materiam & Formâ, realiter ab ipsis
distincta, datur, Estq; Respectus extrinsecus adueniens, non
Modus substantialis vel Accidentalisis. Vna porro est materiæ
ad Formam, Altera Formæ ad Materiam, in eodem composito
substantiali, in quo Totum substantiale Physicum, distinguitur
realiter à suis partibus simul sumptis, & vnitis, quas includit
secundùm proprias rationes, cum distinctione reali mutua, ab
ipsis, secus dicendum de Toto integrali, & per accidens.

V.

Natura definitur; esse principium passiuum motus & quietis
eius in quo est, primò per se, & non per accidens, secundùm
quam definitionem Materia & Forma, conueniunt vniuocè in
ratione Naturæ, similiter & Anima Rationalis, in quantum est
principium Intellectionum & volitionum. Priuationes verò &
Accidentia non item: Distinguitur autem natura ab Arte, quia
per

per se inest mobili, Ars verò per accidens, & quia mobile habet motum connaturalem à natura, non ab Arte. Causa est id, quod communicat esse alteri contingenter cum imperfectione dependentiæ. Diuiditur verò diuisione vniuocâ in membra realiter distincta, quæ non in omni effectu omnia requiruntur; scilicet in Materialem, Formalem, Efficientem, & Finale.

VI.

Causalitas Materiæ, respectu cuiuscunq; Formæ est vniò, quam Deus non potest supplere, in Materia respectu Compositi. Causa Efficiens, quæ secundùm suum esse reale facit vt aliquid existat realiter neq; cum ipso (quâ talis) compositionem faciens, neq; ipsum componens: Eius causalitas in actu primo, est virtus causatiua ipsius, In actu verò secundo, est actio ipsa. Agentia sublunaria corporea, concurrunt ad aliquas substantias, quæ de nouo producuntur, Accidentia verò, nec partialiter immediatè producunt substantias, substantia autem producit in se aliqua accidentia, actione propriè dicta, corpus quoq; calidum calefacit aliud vi caloris non substantiæ.

VII.

Conkursus DEI non est actio creaturæ, sed alia concomitans actio, estq; Physicè determinatus ad effectum in specie & indiuiduo: non datur alius indeterminatus & inefficax. DEVS concurrit ad effectus omnes causarum secundarum, immediatè etiam immediatione suppositi, & implicat quicunq; concursus immediatus creatus ad effectum sine concursu DEI. Absolutè verò Causæ secundæ non debent præmoueri à DEO per qualitatem vllam physicam ad effectus naturalis ordinis, determinantur autem ad indiuiduum actûs, intra eandem speciem à DEO, non tamen determinantur ab ipso causæ liberæ ad speciem actûs. Datur potentia obedientialis passiuua in omnibus subiectis, ad quamlibet formam, independentem essentialiter à subiecto, Actiua verò in aliquibus tantùm ad aliquas.

VIII.

Exemplar seu Idæa est id (quod) respicit efficiens, dum agit vt similiter agat, estq; conceptus obiectiuus, & reducitur ad genus causæ Efficientis. Finis est id propter quod aliquid fit, estq; vera causa; eius causalitas in actu primo, est bonitas vera, saltem possibilis, non verò cognitio eius, in actu verò secundo est motio, ac determi-

natio formalis obiectiua: Agunt autem propter finem, Deus homines, imò probabiliter & bruta. Instrumentum est id, quod vi suæ figuræ ac quantitatis tantum concurrat ad aliquem effectum, ad quem assumitur: Omnis porro causa (quæ talis) debet existere prius naturâ suo effectû: Materialis, & Formalis est imperfectior suo effectû, Finalis verò aliquando, Efficiens etiam partialis, potest esse imperfectior effectû, Totalis nunquam.

I X.

Idem effectus non potest etiam supernaturaliter, à duabus causis adequatis dependere, potuisset, verò ab vna, nisi productus fuisset ab altera intra eandem speciem. Mutua Causalitas repugnat, reproductio verò effectûs corrupti ex parte rei suppositis iisdem quæ prius erant causis non repugnat. Agens Infinitum non omnino debet esse præsens passô vt efficiat, Agens quoq; creatum potest etiam immediate agere in distans, & potest aliqua causa totalis physica mouere se ipsam motu physico. Motus, etiam instantaneus, definitur esse, actus entis in potentia prout in potentia, subiectum ipse in ordine ad Formam intrinsecam, est ipsum mobile, à quo realiter distinguitur, sicut & ab agente, & termino, estq; realiter vnio mobilis ad Formam.

X.

Locus est vltima superficies corporis ambientis immobilis, potest res existere sine ipso; possunt duo corpora in eodem loco esse, ac vnum in pluribus locis esse, non implicat, etiam circumscriptiue, in quibus tamen locis, non potest habere formas repugnantes in eodem loco; & potest per absolutam potentiam, cum replicato corpore, non replicari aliquid accidens absolutum ipsius. Vacuum naturaliter non supernaturaliter repugnat, in ipso terminato graua, & leuia mouerentur, & progressiua in solido. Datur Infinitum Syncategorematicum, in magnitudine, Intensione, & numero, Categorematicum verò in extensione, & numero probabile est dari, non tamen in Perfectione creata. Dantur partes actu in Continuo, citra omnem designationem extrinsecam, de quibus nusquam certo conclusum est, an sint diuisibiles in infinitum, an verò indiuisibiles. Corpora non viuencia, non habent terminum suæ magnitudinis, secus viuencia. Sic cuncta metiente supremo Creatore, Ad cuius omnia hæc cedant.

Maiorem Gloriam, Honorem, & Amorem.

Defenduntur à Fratribus Minoribus Reformatis in Conuentu Crac: ad S. Casimirum. Anno 1685. Die Mensis Horis pomeridianis.

t
e
t
s
e
s
t
t
c
n
n
n
r
r
r
m
i
n
i
c



Biblioteka Jagiellońska



stdr0016858

